

جریدہ علمیہ

مشیت جلیلہ اسلامیہ نک جریدہ رسیہ سید

جمادی الاولیٰ ۱۳۳۷

عدد ۴۳

آیدہ بر نشر اولیور

دربجی سنہ

شورای دولت ملکیه و معارف دائره سنك ۲۱ صفر سنه ۱۳۳۷ و ۲۶
تشرین ثانی سنه ۱۳۳۴ تاریخلی و ۵۱۷ نومرولو مضبوطه سی صورتیدر

۶ شوال سنه ۱۳۳۶ تاریخلی مجلس مشایخ نظامنامه سنك طقوزنجی ماده سی موجبجه
تکالیه عائد بالمعوم جهانك توجیهی خصوصند. توجیه جهات نظامنامه سنه توفیقاً ایفای
معامله ایدلسی مقتضی اولوب مذکور توجیه جهات نظامنامه سنك قرق طقوزنجی ماده سنده
« مشروط اولیان جهانك توجیهه موظفاً خدمت دولته بولنق مانعدر » دیلمش
وبوماده نك اسباب موجهه سی ایسه « خدمت دولته مستخدم بولانلرك خدمات جهاتی
بحق ادايه وقت بوله میه جقاری و یا خود عهده لرنده کی جهات وظائف مأموره لرینك
ایفاسی اشکال ایله جکی درکار و هرابکی صورتك دخی موافق اوله میه جنی بدیدار اولغله
قرق طقوزنجی ماده نك تنظیمی مناسب کورلمشدر » صورتنده کوسترلش اولسنه بناءً
ماده نك مفهومنده کی مطلقیت ایله اسباب موجهه سنك خصوصیتی اده سنده حاصل اولان
ابهام موجب تردد اولدیغندن بحث ایله بعض افاداتی حاوی مجلس مشایخندن ویریلان
مذکره نك تقدیم قلندی بیانیله مندرجانه نظراً کیفیتك شورای دولته تدقیق لزومی
متضمن مقام عالی مشیختك شورای دولته حواله بیوریلان ۲۰ اغستوس سنه ۱۳۳۴
تاریخ و اتوز دوت عددلی تذکره سی ملفوف مذکره ایله ملکیه و معارف دائره سنده
قرائت اولندی .

مذکره مذکورده موجب تردد اولان ابهامك اولاً ماده مزبوره مثلاً جمعه کیجه لری
ویا خود کوندزلری بر تکیه دروننده ایفاسی مشروط واعظلك ، محدثلك ، دورخواناق
کبی برجهت ایله بر مأموریت رسمیه نك اجتماعنده یکدیگرینك بحق ایفاسه قطعاً تأثیری
اولمایان اقسامه شامل اولوب اولمایه جنی وثانیاً درسه ادانده کی تکالیف اکثریتله مخصوصاتی
پك جزئی اولوب مشیخت جهتلری درعهده ایدن ذوات آریجه مأموریت معاشرلیله
تکیه لرینی اداره ایتکده و وظیفه مأموره لرینك ایفاسی زمانلری خارجنده صباح واقشاملری
مشیخت وظیفه لرینی ایفا ایتکده اولدقلرندن مشیخت جهتله مأموریتك اجتماعی تجویز
ایدلدیکی صورتنده بالطبع مشیختدن صرف نظر ایده جکلرندن و مخصوصات جزئیله ایله

بشقه بر طالب دخی بولنه میه جغندن شو حال بر چوق تکانک انسداد و خرابی استلزام ایدیه جکی وارسته اشتباه اولغله ماده مذکوره مفهوم مطلقنک مشیخت جهتلیرنده شمولی اولوب اولمادیفی و ثالثاً مجلس مشایخ تشکیلاتنه عائدوبناء علیه مسالك صوفیه ایله مناسبتدار اولان رسمی مأموریتلر ایله تکانک مشیخت جهتلیرنک اجتماع ایدوب ایدیه میه جکی و رابعاً بلا قید و شرط هر هانکی بر مأموریت ایله بر جهتک اجتماعی تجویز ایدلمدیکی صورتده توجیه جهات نظامنامه سنک نشریه مجلس مشایخ تشکیلات جدیده سندن مقدم جهت و مأموریتی جمع ایتش اولان ذواتک عهده لرنده کی جهتلمک رفی لازم کلوب کلیه جکی خصوصاً سندن عبارت اولدینی کوسترلمشدر .

ایجابی لدی التأمل توجیه جهات نظامنامه سنک سالف الذ کرق قرق طقوزنجی ماده سنده صراحة مذکور اولان ممنوعیت نظامیه تعدیل ایدلمدیکه علی طریق التفسیر احکام استثنایه وضع اولنه میه جغندن موظفاً خدمت دولته بولنلره مشروط اولمیان جهاتک توجیه ایدیه میه جکنک و توجیه جهات نظامنامه سنک قرق طقوزنجی ماده سنده « مشروط اولمیان جهاتک توجیهینه موظفاً خدمت دولته بولمق مانعدر » دینلمش اولدینی حالده اخیراً نشر اولنان مجلس مشایخ نظامنامه سنک برنجی ماده سنده « اعضای مجلسک بین المشایخ تعیین ایدیه جکی » محرر اولسلیله خدمت دولتن معدود اولان مجلس مشایخ اعضائی مشایخه حصرو تخصیص اوله رق توجیه جهات نظامنامه سنک قرق طقوزنجی ماده سنده کی ممنوعیت مذکور اعضا لیه منحصرأ صورت استثنایه ده رفع ایدلمش اولدیقندن مجلس مشایخ اعضا سنده بر تکیه مشیختک توجیهی جائز اوله جقنک و بر قانون احکامی ماقبله شامل اولمامسی حبیلله توجیه جهات نظامنامه سنک نشریه مجلس مشایخ تشکیلات جدیده سندن مقدم جهت و مأموریت جمع ایتش اولان ذواتک عهده لرنده کی جهتلمک رفی اقتضا ایتیه جکنک مشیخت مشارالیه ای تبلیفی تذکر قلندی اولباده امر و فرمان حضرت من له الامر کدر .